



PROGRAM RADA

AGENCIJE ZA PREVENCIJU KORUPCIJE I

KOORDINACIJU BOBE PROTIV KORUPCIJE

ZA 2017. GODINU

Istočno Sarajevo, oktobar 2016. godine

Sadržaj

1) UVOD	3
2) PLANIRANE AKTIVNOSTI AGENCIJE U 2017. GODINI PO ORGANIZACIONIM JEDINICAMA.....	4
a) Sektor za koordinaciju borbe protiv korupcije	4
b) Sektor za prevenciju korupcije	4
c) Sektor za pravne, kadrovske, opće i finansijsko-materijalne poslove	5
d) Odjeljenje za sukob interesa / Ured Komisije za odlučivanje o sukobu interesa	6
e) Odjeljenje za podršku	7
3) PROGRAMSKI CILJEVI ZA 2017. GODINU	8
4) TABELARNI PREGLED PROGRAMSKIH CILJEVA ZA 2017. GODINU	9

1) UVOD

Agencija za prevenciju korupcije i koordinaciju borbe protiv korupcije (u daljem tekstu: Agencija) osnovana je Zakonom o Agenciji za prevenciju korupcije i koordinaciju borbe protiv korupcije („Službeni glasnik BiH“ broj: 103/09 i 58/13) (u daljem tekstu: Zakon o Agenciji) kao nezavisna i samostalna upravna organizacija koja za svoj rad odgovara Parlamentarnoj skupštini Bosne i Hercegovine. Agencija je osnovana s ciljem prevencije uticaja korupcije na razvoj demokratije i poštivanja osnovnih ljudskih prava i sloboda, kao i sprječavanja uticaja na podriivanje ekonomskog i privrednog razvoja Bosne i Hercegovine, te u cilju koordinacije borbe protiv korupcije.

U 2017. godini Agencija će fokus svog djelovanja, pored ispunjavanja osnovnih zakonskih nadležnosti, staviti na koordinaciju i implementaciju Strategije za borbu protiv korupcije za period 2015-2019. (u daljem tekstu: Strategija) i Akcionog plana za njenu provedbu, redovito koordinirati procese donošenja pojedinačnih planova za borbu protiv korupcije te prikupljati informacije u vezi sa njihovom implementacijom. Također, nastaviće sa aktivnostima na uspostavi efikasnog sistema za postupanje po podnescima sa indicijama koruptivnog ponašanja te provedbe Zakona o zaštiti lica koja prijavljuju korupciju u institucijama Bosne i Hercegovine („Službeni glasnik BiH“ broj: 100/13) (u daljem tekstu: Zakon o zaštiti prijavitelja), kao i pružanju stručne podrške unapređenju postojećeg i razvoju efikasnih sistema zaštite prijavitelja korupcije na svim nivoima vlasti u Bosni i Hercegovini. Nastaviće se i sa izradom planova integriteta na svim nivoima vlasti u Bosni i Hercegovini, te će se kroz davanje stručnih mišljenja i instrukcija usmjeravati proces njihovog usvajanja. Po pitanju implementacije Zakona o sukobu interesa u institucijama vlasti Bosne i Hercegovine („Službeni glasnik BiH“ broj: 13/02, 16/02, 14/03, 12/04, 63/08, 18/12, 87/13 i 41/16) (u daljem tekstu: Zakon o sukobu interesa) Agencija će nastaviti sa stvaranjem pretpostavki za efikasan i nesmetan rad Komisije za odlučivanje o sukobu interesa.

U vezi sa međunarodnom i regionalnom saradnjom u 2017. godini planirane su aktivnosti u projektima i procesima u okviru međunarodnih i regionalnih organizacija koje djeluju u oblasti antikorupcije, sa posebnim fokusom na proces evropskih integracija, provedbu UN Konvencije protiv korupcije (UNCAC), preporuka Grupe zemalja za borbu protiv korupcije (GRECO) i Strukturalnog dijaloga o pravosuđu između EU i BiH. Također, planirano je i korištenje mehanizma interventne podrške u okviru projekata Regionalne škole za javnu upravu (ReSPA) i Instrumenata tehničke podrške i razmjene informacija (TAIEX), pomoću kojih bi bili realizirani određeni edukacijski moduli za ciljne grupe u BiH u smislu prevencije korupcije i borbe protiv korupcije. Također, biće nastavljena dosadašnja uspješna saradnja sa organizacijama civilnog društva u BiH koje djeluju u oblasti borbe antikorupcije.

Agencija će kroz ispunjavanje svojih nadležnosti propisanih zakonom, fokus svog djelovanja staviti i na uspostavu efikasnog mehanizma koordinacije borbe protiv korupcije u Bosni i Hercegovini, osiguranje pravovremene implementacije i proaktivnog nadzora nad provedbom Strategije i Akcionog plana za njenu provedbu, te na razvoj i implementaciju

efikasnih mehanizama prevencije korupcije u BiH. U cilju adekvatnog odgovora na sve poslove i zadatke koji pred njom stoje, Agencija će svoje djelovanje usmjeriti na jačanje svog položaja kao institucije BiH koja adekvatno, pravovremeno, profesionalno i zakonito ispunjava svoje nadležnosti uz uključenost i saradnju sa organizacijama civilnog društva, akademskom zajednicom i medijima koji djeluju u ovoj oblasti.

2) PLANIRANE AKTIVNOSTI AGENCIJE U 2017. GODINI PO ORGANIZACIONIM JEDINICAMA

a) Sektor za koordinaciju borbe protiv korupcije

Sektor za koordinaciju borbe protiv korupcije će i u 2017. godini fokus svog djelovanja staviti na koordinaciju i implementaciju Strategije i Akcionog plana za njenu provedbu. Pored navedenog, posebna pažnja biće posvećena uspostavi tijela za sprečavanje korupcije na svim nivoima vlasti u BiH, jačanju njihovih kapaciteta i strateškom planiranju. Redovito će se koordinirati proces donošenja pojedinačnih planova za borbu protiv korupcije i prikupljanje informacija u vezi sa njihovom implementacijom. Biće nastavljene i aktivnosti na uspostavi efikasnog sistema za postupanje po podnescima sa indicijama koruptivnog ponašanja te aktivnosti usmjerene na efikasnu provedbu Zakona o zaštiti prijavitelja, kao i podrška razvoju efikasne zaštite prijavitelja korupcije na svim nivoima vlasti u BiH. Sektor će aktivno participirati u koordinaciji međunarodne i regionalne saradnje Agencije, kao i saradnje sa organizacijama civilnog društva koje djeluju u oblasti antikorupcije u BiH.

S tim u vezi, Sektor za koordinaciju borbe protiv korupcije biti će fokusiran na provedbu sljedećih programskih ciljeva:

- Stručna podrška procesu formiranja tijela za sprečavanje korupcije na svim nivoima vlasti u BiH;
- Koordinacija implementacije specifičnih mjera i aktivnosti iz nadležnosti Sektora i monitoring provedbe Strategije za borbu protiv korupcije i Akcionog plana za njenu provedbu;
- Uspostava mehanizma koordinacije borbe protiv korupcije u Bosni i Hercegovini;
- Uspostava sistema za efikasno postupanje po podnescima sa indicijama koruptivnog ponašanja;
- Provedba Zakona o zaštiti prijavitelja;
- Međunarodna i regionalna saradnja u oblasti borbe protiv korupcije;
- Saradnja sa organizacijama civilnog društva;
- Projektno planiranje i razvoj idejnih rješenja u vezi sa specifičnim aktivnostima iz oblasti borbe protiv korupcije u BiH.

b) Sektor za prevenciju korupcije

Sektor za prevenciju korupcije će i u 2017. godini svoj rad usmjeriti na aktivnosti vezane za pružanje pomoći pri izradi planova integriteta u javnim institucijama na svim nivoima vlasti te njihovoj provedbi, praćenje efekata primjene zakona i podzakonskih akata iz oblasti prevencije korupcije te davanje mišljenja i instrukcija o pitanju njihove primjene,

iniciranje aktivnosti u vezi sa izmjenama i dopunama postojećih zakonskih rješenja i njihovo usklađivanje, saradnju sa domaćim naučnim i stručnim organizacijama, medijima i organizacijama civilnog društva po pitanju prevencije korupcije, razvoj edukativnih programa u vezi sa prevencijom korupcije i borbe protiv korupcije, nadzor nad njihovim provođenjem te drugi slični poslovi.

S tim u vezi, Sektor za prevenciju korupcije će raditi na sljedećim aktivnostima:

- Analiza osposobljenosti državnih službenika zaposlenih u javnim institucijama u vezi s prevencijom korupcije i koordinacijom borbe protiv korupcije;
- Kontinuirano provođenje obuka državnih službenika iz oblasti prevencije korupcije;
- Informisanje svih relevantnih subjekata u BiH o rezultatima istraživanja iz oblasti borbe protiv korupcije;
- Izrada i provođenje edukativnih programa iz oblasti prevencije korupcije u privatnom sektoru;
- Uvođenje programa etike i integriteta u obrazovnom sektoru u BiH;
- Pružanje pomoći pri izradi planova integriteta i nadzorom nad provedbom planova integriteta;
- Unapređenje saradnje s organizacijama civilnog društva i javnim emiterima;
- Iniciranje izmjena i dopuna zakonskih rješenja iz oblasti antikorupcije u BiH;
- Saradnja s domaćim naučnim i stručnim organizacijama.

c) Sektor za pravne, kadrovske, opće i finansijsko-materijalne poslove

Sektor za pravne, kadrovske, opće i finansijsko-materijalne poslove nastaviće da obavlja logističke poslove za potrebe Agencije u cilju obezbjeđivanja optimalnih uslova i pretpostavki za efikasno i kvalitetno funkcioniranje svih organizacionih jedinica Agencije. U okviru pravnih poslova nastaviće se poslovi izrade zakonskih i podzakonskih akata iz nadležnosti Agencije, uključujući analizu i eventualne izmjene i dopune istih, pripremaće se stručna mišljenja i objašnjenja za primjenu zakona, drugih propisa i općih akata vezano za upite građana, pravnih lica i drugih subjekata ili po službenoj dužnosti.

Od općih i kadrovskih poslova Sektor planira da provede sljedeće aktivnosti:

- Izrada analitičkih, informativnih i drugih materijala u okviru propisane metodologije;
- Izdavanje uvjerenja o činjenicama o kojima se vodi službena evidencija;
- Provođenje procedure konkursa ili oglasa;
- Izrada pojedinačnih akata u vezi prava, dužnosti i odgovornosti iz radnog odnosa;
- Vođenje i održavanje personalne evidencije;
- Izrada Dinamičkog plana zapošljavanja u Agenciji;
- Planiranje obuka za zaposlene u Agenciji;
- Prijem i otpremanje pošte, arhiviranje predmeta i akata;
- Održavanje službenih vozila i postojeće opreme.

Što se tiče finansijsko-materijalnih poslova Sektor planira da realizuje sljedeće aktivnosti:

- Izrada Godišnjeg izvještaja o finansijskom upravljanju i kontroli za 2016. godinu (GI-IK);
- Izrada Izvještaja o izvršenju Budžeta Agencije za 2016. godinu;
- Izrada Operativnog plana za izvršenje budžeta u 2017. godini;
- Izrada Dokumenta okvirnog budžeta (DOB) za period 2018-2020.;
- Izrada Srednjoročnog plana rada Agencije za period 2018-2020.;
- Izrada Prijedloga Budžeta Agencije za 2018. godinu;
- Izrada Programa rada Sektora za 2018. godinu;
- Izrada planova i izvještaja o radu Sektora (mjesečni, kvartalni, polugodišnji i godišnji);
- Izrada kvartalnih i polugodišnjeg izvještaja o izvršenju Budžeta Agencije za 2017. godinu;
- Blagajničko poslovanje;
- Prijem, obrada i kontrola materijalno-finansijske dokumentacije, unos i odobravanje iste za plaćanje u Informacionom sistemu finansijskog upravljanja (ISFU);
- Saradnja sa Uredom za reviziju institucija BiH i Jedinicom za internu reviziju Parlamentarne skupštine BiH, prema zadatom programu revizije;
- Godišnji popis imovine i obaveza Agencije na dan 31.12.2017. godine;
- Redovan obračun plata, naknada i putnih naloga;
- Izrada Plana javnih nabavki Agencije u 2017. godini i provođenje postupaka javnih nabavki, u skladu sa Zakonom o javnim nabavkama i drugim podzakonskim aktima i internim procedurama.

d) Odjeljenje za sukob interesa / Ured Komisije za odlučivanje o sukobu interesa

Odjeljenje za sukob interesa/Ured Komisije za odlučivanje o sukobu interesa (u daljem tekstu: Odjeljenje/Ured) će tokom 2017. godine fokus svojih aktivnosti staviti na stvaranje pretpostavki za efikasan i nesmetan rad Komisije za odlučivanje o sukobu interesa, kroz otklanjanje administrativno-tehničkih prepreka za njen rad.

Paralelno sa tim, Odjeljenje/Ured će realizirati sljedeće aktivnosti:

- Analiza Zakona o sukobu interesa, s ciljem utvrđivanja mogućnosti za efikasnije sprečavanje sukoba interesa i pooštavanja sankcija za njihovo nepoštivanje;
- Iniciranje izmjena i dopuna Zakona o sukobu interesa, kako bi se uspostavio efikasniji sistem sprečavanja sukoba interesa;
- Sveobuhvatna analiza zakonskih propisa koji se odnose na izjave o imovinskom stanju s ciljem uspostave efikasnog sistema kontrole, obrade podataka iz izjava o imovinskom stanju i eliminacije prepreka za njihovo javno objavljivanje;
- Stvaranje pretpostavki za uspostavljanje elektronske baze podataka za kontinuirano provođenje kontrole prijema poklona i njihovog prijavljivanja od strane izabраних званичника, nosilaca izvršnih funkcija i savjetnika;

- Razvijanje posebnih programa obuke iz domena sprečavanja sukoba interesa i prijave imovine javnih zvaničnika;
- Analiziranje i stvaranje pretpostavki za formiranje elektronskog registra za provjeru imovinskih /finansijskih izjava;
- Uvođenje efikasnih alata za prikupljanje podataka sa fokusom na verificiranje, provjeri i sankcionisanju sukoba interesa;
- Provjeravanje finansijskih izvještaja, davanje mišljenja, te pokretanje i vođenje postupaka i donošenje odluka u skladu sa Zakonom o sukobu interesa.

e) Odjeljenje za podršku

Odjeljenje za podršku će tokom 2017. godine, kao i u prethodnom periodu, pružati profesionalnu podršku rukovodstvu Agencije, te planirati, organizirati i izvršavati zadatke za potrebe direktora i zamjenika direktora.

Osim profesionalne podrške rukovodstvu Agencije, što je primarni zadatak Odjeljenja, planirano je pružanje podrške i ostalim organizacionim jedinicama Agencije u vezi sa obavljanjem poslova komunikacija i odnosa sa javnošću, pružanjem pomoći u vezi sa primjenom informacionih tehnologija i održavanjem informacionog sistema u Agenciji, ažuriranja i održavanja web stranice Agencije, pripremanja, objedinjavanja i lektorisanja izvještaja o radu, programa i plana rada, kao i drugih poslova po nalogu direktora i zamjenika direktora.

Komunikacijska funkcija Agencija u planiranom period baziraće se na sljedećim principima koji su u skladu sa općim principima rada Institucije:

- **Transparentnost** - Obezbjediće se puna transparentnost rada Agencije, s obzirom na to da su informacije koje se nalaze u posjedu ove institucije javno dobro, i trebaju biti dostupne građanima.
- **Proaktivnost** - Informacije koje Agencija posjeduje objavljiivaće se proaktivno, koristeći sve raspoložive kanale i formate, kako bi brže stigle do onih kojima su potrebne.
- **Nove informacijsko-komunikacijske tehnologije:** Agencija će maksimalno koristiti mogućnosti savremenih informacijsko-komunikacijskih tehnologija kako bi se poboljšala komunikacija sa ključnim javnostima, institucijama i organizacijama, ali interna komunikacija u Agenciji.
- **Poštivanje zakona i etičkih normi:** Komunikacijske aktivnosti odvijaaće se u skladu sa zakonskim normama i etičkim načelima odgovorne i profesionalne javne komunikacije.
- **Institucionalizacija komuniciranja:** Proaktivna, transparentna, inkluzivna, i profesionalna komunikacije treba da postane dio institucionalne strukture i kulture Agencije, kako bi svi njeni sektori, ali i Agencija u cijelosti, efikasno komunicirali sa relevantnim institucijama i organizacijama, nevladinim sektorom, medijima, drugim zainteresovanim javnostima i građanima općenito.

Također, Odjeljenje za podršku će, u koordinaciji sa organizacionim jedinicama Agencije, postupati po Zakonu o slobodi pristupa informacijama u BiH, te će o zahtjevima za pristup informacijama i odgovorima na zahtjeve putem web stranice o tome blagovremeno informirati javnost.

Pored redovnih aktivnosti koje su navedene, Odjeljenje za podršku planira provesti i sljedeće aktivnosti u 2017. godini:

- Pristupiti izmjenama i dopunama, odnosno revidiranju postojećeg Akcionog plana za provedbu Strategije za komunikacije 2014-2019., u skladu sa budućim potrebama i planiranim aktivnostima Agencije;
- Osnivanje komunikacijskog tima;
- Osnivanje web redakcije;
- Podizanje nivoa transparentnosti Agencije;
- Osmišljavanje i provođenje antikorupcijske kampanje;
- Unaprjeđenje sadržaja web stranice;

Odjeljenje za podršku, pored osnovnih aktivnosti profesionalne podrške rukovodstvu Agencije i organizacionim jedinicama unutar Institucije, planira razvijati mehanizme koordinacije unutar Agencije kako bi realizacija i prezentacija aktivnosti Agencije bila kvalitetna, efikasna i pravovremena.

3) PROGRAMSKI CILJEVI ZA 2017. GODINU

U obavljanju zadataka iz svoje nadležnosti Agencija planira ostvariti sljedeće ciljeve u 2017. godini:

- a) Uspostava mehanizama koordinacije borbe protiv korupcije u BiH;
- b) Uspostava sistema za prijave korupcije i zaštitu prijavitelja korupcije;
- c) Uspostava sistema prevencije korupcije u Bosni i Hercegovini i provedba Strategije za borbu protiv korupcije i Akcionog plana za njenu provedbu;
- d) Uspostava sistema planova integriteta u institucijama BiH i nadzor nad implementacijom mjera predviđenih planovima integriteta;
- e) Usklađivanje zakonskih rješenja i izrada analiza, izvještaja i pregleda iz nadležnosti Agencije;
- f) Edukacija, obuke i jačanje javne svijesti o značaju prevencije korupcije;
- g) Analiza zakonskih rješenja i uspostava efikasnih mehanizama u cilju efikasnije provedbe Zakona o sukobu interesa u institucijama vlasti;
- h) Razvoj idejnog rješenja i uspostava elektronskih registara imovinskih/ finansijskih izjava

- i) Izmjene i dopune postojećeg Akcionog plana za provedbu Strategije za komunikacije 2014-2019., u skladu sa budućim potrebama i planiranim aktivnostima Agencije
- j) Međunarodna saradnja;
- k) Saradnja sa institucijama civilnog društva.

U tabelarnom pregledu koji slijedi, prikazane su konkretne aktivnosti za realizaciju svakog pojedinačnog cilja.

4) TABELARNI PREGLED PROGRAMSKIH CILJEVA ZA 2017. GODINU

PROGRAMSKI CILJ	AKTIVNOSTI	ROK	INDIKATOR REALIZACIJE
Uspostava mehanizama koordinacije borbe protiv korupcije u Bosni i Hercegovini i provedba Strategije za borbu protiv korupcije i pratećeg Akcionog plana	<i>Monitoring i koordinacija uspostave tijela za sprečavanje korupcije na nivou entiteta, kantona i Brčko distrikta BiH, osiguranje stručno-savjetodavne podrške procesu uspostave</i>	2017.	Inicirana uspostava trinaest tijela za sprečavanje korupcije u BiH i pružena stručna podrška razvoju njihovih kapaciteta
	<i>Kontinuirana edukacija članova tijela za sprečavanje korupcije na osnovu harmoniziranih planova i programa obuke</i>	2017.	Provedene edukacije
	<i>Razvoj mehanizama koordinacije, upoznavanje ciljnih grupa sa sadržajem i uspostava sistemске saradnje</i>	2017.	Razvijeni mehanizmi koordinacije, ciljne grupe upoznate sa sadržajem i inicirana uspostava sistemске saradnje
	<i>Iniciranje provedbe specifičnih mjera iz Akcionog plana za provedbu Strategije u skladu sa funkcionalnim nadležnostima Agencije, osiguranje efiksane monitoring provedbe mjera, izrađivanje periodičnih izvještaja o stepenu implementacije</i>	2017.	Inicirana provedba specifičnih mjera, osiguran monitoring provedbe mjera, periodični izvještaji izrađeni
	<i>Koordinacija aktivnosti u vezi provođenja Smjernica za izradu planova za borbu protiv korupcije za javne institucije u BiH</i>	2017.	Koordinacija i monitoring provedbe pojedinačnih planova borbe protiv korupcije u institucijama BiH
	<i>Kontinuirano praćenje procesa provođenja planova borbe protiv korupcije na nivou institucija BiH kroz organizaciju radno-konsultativnih sastanaka, davanje smjernica, preporuka i mišljenja</i>	2017.	Dostavljeni izvještaji institucija BiH o sprovođenju planova za borbu protiv korupcije Agenciji
	<i>Analiza i procjena provođenja Strategije i Akcionog plana</i>	2017.	Izvršena analiza i procjena provođenja Strategije i Akcionog plana
	<i>Izrada standardiziranih smjernica za prikupljanje i obradu podataka u vezi sa provođenjem strateških antikorupcijskih programa</i>	2017.	Smjernice kreirane
		2017.	Na osnovu smjernica izvršeno prikupljanje i obrada informacija u vezi sa provedbom strateških antikorupcijskih programa

Uspostava sistema za prijave korupcije i zaštitu prijavitelja korupcije	<i>Uspostavljanje baze podataka i prateće aplikacije za postupanje po podnescima sa indicijama koruptivnog ponašanja</i>	2017.	Uspostavljena baza podataka i prateća aplikaciju za postupanje po podnescima sa indicijama koruptivnog ponašanja
	<i>Analiziranje postojećih mehanizama za prijavljivanje korupcije u BiH s ciljem utvrđivanja mogućnosti za unaprjeđenje povjerljivosti postupanja po prijavama</i>	2017.	Provedena analiza postojećih mehanizama za prijavu korupcije s ciljem unaprjeđenja postupanja po prijavama sa aspekta povjerljivosti
	<i>Dosljedna primjena i dodatno unaprjeđenje postojećih mehanizama zaštite prijavitelja korupcije</i>	2017.	Unapređena zaštita prijavitelja korupcije
	<i>Unaprijeđenje procedura za postupanje po prijavama korupcije u pogledu povjerljivosti informacija koje su dobivene, s posebnim osvrtom na zaštitu prijavitelja</i>	2017.	Poboljšane procedure za postupanje po prijavama korupcije sa aspekta povjerljivosti informacija s posebnim osvrtom na zaštitu prijavitelja
	<i>Utvrdjivanje metodologije za harmonizirano vođenje evidencija prijava, obradu i analizu statističkih podataka o prijavama sa indicijama koruptivnog ponašanja u BiH</i>	2017.	Metodologija razvijena u saradnji sa ključnim partnerima
	<i>Kontinuirano promoviranje on line sisteme i telefonske linije za prijavljivanje korupcije i mehanizme zaštite prijavitelja korupcije</i>	2017.	Promoviran online sistem i besplatna telefonska linija za prijavu korupcije putem projekata bilateralne podrške i pomoći Agenciji
Uspostava sistema prevencije korupcije u Bosni i Hercegovini i provođenje Strategije za borbu protiv korupcije i Akcionog plana za njenu provedbu	<i>Analiza osposobljenosti i informisanosti državnih službenika zaposlenih u javnim institucijama u vezi s prevencijom korupcije i koordinacijom borbe protiv korupcije</i>	2017	Izvršena analiza osposobljenosti i informisanost državnih službenika zaposlenih u javnim institucijama u vezi sa prevencijom korupcije i koordinacijom borbe protiv korupcije
	<i>Izrada harmoniziranih planova i programa obuke za prevenciju korupcije i koordinaciju borbe protiv korupcije u svim javnim institucijama u BiH</i>	2017	Izrađen standardizirani plan i program obuke za sve javne institucije u BiH
	<i>Kontinuirano provođenje obuka u skladu sa harmoniziranim planovima i programima za prevenciju korupcije i koordinaciju borbe protiv korupcije u svim javnim institucijama u BiH</i>	2017	Provedene obuke
Uspostavljanje sistema planova integriteta u institucijama BiH i nadzor nad implementacijom mjera predviđenih planovima integriteta	<i>Informiranje relevantnih subjekata u BiH o značaju i procesu uspostave sistema planova integriteta</i>	2017	Relevantne informacije i dokumenti za izradu plana integriteta dostupne na službenoj stranici Agencije
	<i>Pružanje podrške u izradi planova integriteta na svim nivoima vlasti u BiH</i>	2017	Dostavljena mišljenja, komentari na prijedloge planova integriteta, održane obuke po pitanju izrade i implementacije planova integriteta
	<i>Uvođenje zakonske obaveze za izradu planova integriteta za sve javne institucije u BiH</i>	2017	Definirani prijedlozi za izmjene zakonskih propisa s ciljem uspostave obaveze za izradu planova integriteta
	<i>Kreiranje odgovarajućeg mehanizma za praćenje implementacije mjera iz planova integriteta te određivanje odgovarajućeg načina izvještavanja</i>	2017	Kreirane harmonizirane smjernice za sve institucije u BiH

	<i>o provedbi navedenih mjera</i>		
Usklađivanje zakonskih rješenja i izrada analiza, izvještaja i pregleda iz nadležnosti Agencije	<i>Analiza zakonskih propisa za izbor i imenovanje rukovodećih državnih službenika u javnim institucijama u BiH, s ciljem osiguranja njihove stručnosti i profesionalnosti</i>	2017	Izvršena analiza zakonskih propisa, definirane mjere za utvrđivanje stručnosti i profesionalnosti
	<i>Analiza načina unapređenja postojećeg pravnog okvira kojim se osigurava efikasna provedba nadležnosti Agencije</i>	2017	Izrađena samoprocjena i predložene izmjene i dopune zakona vezanih za provedbu nadležnosti Agencije
	<i>Iniciranje izmjena i dopuna antikorupcijskih zakona, s ciljem unapređenja borbe protiv korupcije</i>	2017	Inicirane izmjene i dopune antikorupcijskih zakona
	<i>Informiranje relevantnih subjekata u BiH o rezultatima istraživanja u vezi korupcije</i>	2017	Relevantne informacije i dokumenti o rezultatima i istraživanjima vezanim za korupciju dostupni na službenoj stranici Agencije
	<i>Prikupljanje i analiza statističkih podataka o korupciji</i>	2017	Prikupljeni relevantni podaci iz dostupni na službenoj stranici Agencije
Edukacija, obuke i jačanje javne svijesti o značaju prevencije korupcije	<i>Procjena potreba za obukama službenika u institucijama s antikorupcijskim nadležnostima</i>	2017	Utvrđene potrebe za obukama
	<i>Analiziranje uključenosti i mogućnosti aktivnijeg učešća privatnog sektora u borbi protiv korupcije</i>	2017	Analiza izvršena, identificirane mogućnosti za aktivnije učešće privatnog sektora u antikorupcijskim aktivnostima
	<i>Analiziranje upoznatosti članova zakonodavnih tijela u BiH sa međunarodnim obavezama i antikorupcijskim standardima na planu sprječavanja korupcije</i>	2017	Analiza izvršena
	<i>Provođenje obuka članova zakonodavnih tijela u BiH u vezi sa međunarodnim obavezama i antikorupcijskim standardima na planu sprječavanja korupcije</i>	2017	Obuke zakonodavnih tijela provedene
	<i>Provođenje istraživanja o pogledima mladih na korupciju, s ciljem utvrđivanja osnova za izradu harmoniziranih programa etike i integriteta</i>	2017	Istraživanja provedena
	<i>Izrada harmoniziranih programa etike i integriteta u svim obrazovnim institucijama u BiH, s ciljem jačanja moralnih vrijednosti društva</i>	2017	Harmonizirani programi kreirani i dostavljeni nadležnim institucijama
	<i>Uspostavljanje saradnje sa javnim emiterima u BiH na planu emitiranja programa iz oblasti etike i integriteta s ciljem jačanja moralnih vrijednosti</i>	2017	Saradnja uspostavljena
	<i>Uspostavljanje saradnje sa organizacijama civilnog društva koje rade sa mladim ljudima i uspostavljanje saradnje na promoviranju etike i integriteta s ciljem jačanja moralnih vrijednosti društva</i>	2017	Saradnja uspostavljena
Analiza zakonskih rješenja i uspostava efikasnih mehanizma u cilju efikasne	<i>Sveobuhvatna analiza zakonskih i podzakonskih propisa s ciljem utvrđivanja mogućnosti za efikasnije sprečavanje sukoba</i>	2017	Analiza izvršena, identificirane mogućnosti za unapređenje sprečavanja sukoba interesa i pooštavanja sankcija za njihovo nepoštivanje.

provedbe Zakona o sukobu interesa u institucijama vlasti BiH	<i>interesa i pooštavanja sankcija za njihovo nepoštivanje"</i>		
	<i>Uspostavljanje elektronske baze podataka za kontinuirano provođenje kontrole prijema poklona i njihovog prijavljivanja od strane izabranih zvaničnika, nosilaca izvršnih funkcija i savjetnika</i>	2017	Uspostavljena elektronska baza podataka, redovno se provode kontrole prijema poklona i njihovo prijavljivanje.
	<i>Razvoj posebnih programe obuke iz domena sprečavanja sukoba interesa i prijave imovine</i>	2017	Obuke provedene
	<i>Stvoranje pretpostavki za efikasan i nesmetan rad Komisije za odlučivanje o sukobu interesa.</i>	2017	Broj održanih sjednica i riješenih predmeta
	<i>Provjera finansijskih izvještaja, davanje mišljenja, te pokretanje postupaka, vođenje postupaka i donošenje odluka u skladu sa Zakonom o sukobu interesa</i>	Kontinuirano	Broj pregledanih obrazaca, izdatih mišljenja, pokrenutih postupaka i donesenih odluka
Razvoj idejnog rješenja i uspostava elektronskih registara imovinskih/finansijskih izjava	<i>Kreiranje idejnog rješenje te formiranje elektronskog registra za provjeru imovinskih /finansijskih izjava</i>	2017	Kreirano idejno rješenje te formiran elektronski registar
	<i>Uvođenje efikasnih alata za prikupljanje podataka sa fokusom na verifikiranje, provjeru i sankcioniranje sukoba interesa</i>	Kontinuirano	Broj provjerenih zvaničnika-
Izmjene i dopune postojećeg Akcionog plana za provedbu Strategije za komunikacije 2014-2019., u skladu sa budućim potrebama i planiranim aktivnostima Agencije	<i>Sveobuhvatna analiza planskog pristupa razvoja institucionalnih komunikacija Agencije</i>	2017	Izrada Plana aktivnosti za 2017. godinu koji se direktno oslanja na Komunikacijsku strategiju
	<i>Osnivanje komunikacijskog tima Agencije</i>	2017	Komunikacijski tim Agencije osnovan i potpuno funkcionalna
	<i>Osnivanje web redakcije sa zadatkom uređivanja web stranice Agencije</i>	2017	Web redakcija Agencije uspostavljena i potpuno funkcionalna
	<i>Podignut nivo transparentnosti rada Agencije</i>	2017	Nivo transparentnosti Agencije na visokom nivou
Međunarodna saradnja	<i>Kontinuirano praćenje i provođenje preporuka relevantnih međunarodnih organizacija i institucija za borbu protiv korupcije</i>	2017.	Kontinuirano praćenje i provedba preporuka relevantnih međunarodnih organizacija i institucija za borbu protiv korupcije
	<i>Redovno praćenje primjene međunarodnih propisa i ugovora i povratno informiranje međunarodnih aktera o njihovoj provedbi (UNCAC/GRECO/OECD/ReSPA)</i>	2017.	Redovno praćenje primjene međunarodnih propisa i ugovora i povratno informiranje međunarodnih aktera o njihovoj provedbi (UNCAC/GRECO/OECD/ReSPA)
	<i>Redovno informiranje nadležnih tijela i institucija u BiH o obavezama koje proizilaze iz međunarodnih pravnih instrumenata</i>	2017.	Redovno informiranje nadležnih tijela i institucija u BiH o obavezama koje proizilaze iz međunarodnih pravnih instrumenata
	<i>Koordiniranje aktivnosti, saradnja i učestvovanje Agencije u projektima, aktivnostima i događajima u kontekstu ostvarivanja međunarodne i regionalne saradnje (učesće u samoprocjeni provedbe UNCAC-a u BiH, poglavlja II - Preventivne mjere)</i>	2017.	Koordinirane su aktivnosti, saradnja i učesće Agencije u projektima, aktivnostima i događajima u kontekstu ostvarivanja međunarodne i regionalne saradnje

	<i>Prikupljanje informacija, analitička obrada i redovno izvještavanje međunarodnih organizacija i institucija o napretku u kontekstu evropskih integracija (Strukturalni dijalog o pravosuđu između BiH i EU, Post-vizna liberalizacija BiH sa EU, izvještaji o napretku BiH, odgovori na Upitnike EK itd.)</i>	2017.	Prikupljene informacije, analitički obrađene i redovno izvještavane međunarodne organizacije i institucije o napretku u kontekstu evropskih integracija
	<i>Provođenje aktivnosti u okviru memoranduma o saradnji između Agencije i međunarodnih organizacija/projekata/inicijativa (BAK, GIZ, USAID-VSTV,...)</i>	2017.	Aktivnosti provedene u okviru memoranduma o saradnji između Agencije i međunarodnih organizacija/ projekata/ inicijativa
Saradnja sa organizacijama civilnog društva	<i>Osmišljavanje i provođenje antikorupcijskih projekata</i>	2017.	Projekti osmišljeni i provedeni
	<i>Analiziranje uzroka, pojavnih oblika i štetnih posljedica korupcije po građane, te u saradnji sa organizacijama civilnog društva i akademskom zajednicom planiranje javne kampanje na tu temu-</i>	2017.	Osmišljene javne kampanje
	<i>Jačanje saradnje institucija sa javnim ovlaštenjima sa OCD u cilju istraživanja koja se odnose na mogućnosti pojave korupcije u javnim institucijama</i>	2017.	Postignut visok nivo saradnje razmjene informacija, urađeno istraživanje
	<i>Uvođenje u Plan rada institucija dijela koji se posebno odnosi na saradnju sa organizacijama civilnog društva</i>	2017.	Smjernice za saradnju Agencije sa organizacijama civilnog društva dostavljene svim javnim institucijama u BiH

ZAMJENICI DIREKTORA

mr. Dragan Slipac

Dragan Anđelić

DIREKTOR

Hasim Šabotić

Istočno Sarajevo, 01.11.2016. godine
Broj: 01-_____/16.

